

111 年全國語文競賽原住民族語朗讀 【北排灣語】 高中學生組 編號 1 號

ru vecaveca a sacemel

izua za marekaka, vaikan na kina kata kama a semavavua a
kipusengesengan. ka semavavua inadju' aza madrusa a marekaka. sa 'a'ivui,
“ uri vaik a men a sema vavua, uri siuljay a men, sa tisun a tjavulung,
kisacunguljianga su kaka. nu masulem kezekezuanga a paljing. maya
semu'elje'eljev a pa'eteleng. ” ayain aza marekaka.

kamasulem, tiamadju a marekaka i paljing a kemaljavaljava tua kama
katua kina, tu uri mangtjez tu ini? cuayanga a kemaljavaljava, inia mangtjez
a kama katua kina. ka 'ezemezemetjanga pacunan a kemasi cadj a sapuy nu
tjacuay tjamakeljang aza sapuy. “ uzayanga tjia kina kati kama, anamasi
sapuy a mangtjengtjez, ” aya ti tjavulung. sa izua tiamadju a kemaljavaljava
i paljing, manu djemaljun azua sapuy, inia cawcau, mavan a teljar na
ucivauvau. tazua namasuram tiamadju ! sa 'eljevi a si'eljevan sa kezekezi sa
kata'ed.

'au, ta'edanga tiamadju, manu izua a cemugecug ta paljing “ ku aljak,
su'eljevi a ken,” aya zua ti sa cumai. “ tima sun? ” aya zua tjavulung a
kivada'. “ su kina ken,” aya temevela, “ inia namaitazua ljingav ni kina,
mageljeng sun aravac, ” aya ti tjavulung. “su kina angata a ken lja, su'eljevi

a ken, ” aya, sa aza ljingav nimadju nama keljitanga, inianga geljegeljeng,
“ su'eljevi a ken ku aljak, salilimanga sata'edanga ken auta, ” aya ti cumay a
mumalj.

“ inia ku kina sun, vute'ite'ilj a su kula, sa 'ucengecengel a kula na ku
kina, ” aya ti tjavulung, sa inia su'eljevan. sa vaik a kicacadja a 'emucengel
ta kula ti cumay.

“ ti kina angata! ” aya ti tjavulung sa su'eljevan. ti cumay puntalj a
sema 'erengan. ka 'emereng azua ti cumay ita putuputung, pini
vecekadananga a tjaljaljak, sa ljaviljavingananga azua tjavulung.

ka cuaiyanga lemand a ta 'aruce'uce'uc ti tjavulung, “ anema su
kakanen kina? “ kemakakan a ken ta 'arizang, palisi a keman a kakedrian,
ta'edu a kirimu ” aya ti cumay, kacuaiyanga muri cecelen azua tjaljaljak a
kaka ni tjavulung. “ ainuanga ku kaka, kina? aya za ti tjavulung, sa cecelen
na tjavulung a kaka a makaputung, neka auta! manu marekutjanga timadju,
“ inia ti kina sun, su kinananga ku kaka pai?. ” aya ti tjavulung, “ ini, imaza
i taladj ta ku tjiyalj ” aya ti cumay. sa migacalj i sauniuni sa kavilad ti
tjavulung, tazua pulingalingavanga tu ini a kina nimadju!

會說謊的野獸

有對兄弟，弟弟二歲，哥哥四歲。有一天父母親到深山田園工作。將兩兄弟留在家裡，交代哥哥：「如果工作還沒完成可能會過夜，哥哥的要照顧好弟弟，晚上要把門窗鎖好。」

傍晚，兄弟倆守在門口，等待雙親返家。等了很久，天色暗了，突然看見遠處有亮光漸行漸近，才發現是螢火蟲的亮光，他們很想睡覺了，於是哥哥把門關好，和弟弟上床睡覺。

哥哥突然聽到敲門的聲音，有隻野熊變聲要哥哥開門。哥哥跑到門前，看到門縫出現白白的腳不願意開門。門外的人又把腳弄黑後再度叩門。哥哥把門打開，只見黑影奔向床鋪，哥哥聽到一陣咬碎骨頭的聲音便問：「媽媽！你在吃什麼？我也想吃！」「哦！我在吃長豆，小孩子不能吃，你趕快睡。」母親回答。

許久之後，哥哥往弟弟睡覺的地方摸索，發現弟弟不見，是被吃掉，連忙奪門而出，原來剛剛是野熊，不是媽媽。